



EXAMINATION NO.: _____
THE MALAWI NATIONAL EXAMINATIONS BOARD

2025 MALAWI SCHOOL CERTIFICATE OF EDUCATION EXAMINATION

CHICHEWA

Subject Number: M032/II

Wednesday, 9 July

Time Allowed: 2 hours
1:00 - 3:00 pm

PAPER II (Malikisi 90)

Malangizo:

1. Onetsetsani kuti pepala ili lili ndi masamba osindikizidwa khumi ndi awiri.
2. Pepalali lili ndi magawo anayi: A, B, C ndi D. Yankhani mafunso onse m'magawo onsewa.
3. Lembani nambala yamayeso pamwamba pa tsamba lililonse la pepalali.
4. Muchitebulo chili pambalichi, onetsani funso lililonse lomwe mwayankha pochonga mubokosi lomwe lili kutsogolo kwake.
5. Perekani pepalali kwa oyángánira mayeso nthawi ikakwana.

Funso	Chongani funso ngati mwayankha	Muno musalembemo	
1			
2			
3			
4			
5			
6			
7			
Total			



Gawo A (Malikisi 40)

Malamulo a Chiyankhulo.

Langizo: Yankhani mafunso onse m'gawo ili.

1. a. Sinthani aneni otsatirawa kuti akhale mimvekero.

(i) fwamphuka

(ii) terereka

(Malikisi 2)

b. Pangani ziganizo zomveka bwino kusonyeza ntchito za alumikizi zotsatirazi ndipo mutseke mzere kungsi kwa alumikiziwo.

(i) Kulunzanitsa

(ii) Kutayanitsa

(iii) Kugwirizanitsa

(iv) Kulabadira

(Malikisi 8)

Mafunso akupitirira/...

2. a. Perekani mitundu ya mifuwu yomwe yatsekedwa mzere kungsi kwawo m'ziganizo zotsatirazi.

(i) Aaa! Wabweretsa zimenezi ?

(ii) Amayi ine! Mwanawe watisiyadi?

(iii) Hede! Ndapambana mpikisano uja.

(iv) Choka pamenepo! Mwana wosamva iwe.

(Malikisi 4)

- b. Pangani ziganizo zomveka bwino kusonyeza mitundu ya kanenedwe ka aneni otsatirawa.

(i) Kachifuniro

(ii) Kacholinga

(iii) Kofotokoza

(Malikisi 6)

Mafunso akupitirira/...

3. a. Sinthani ziganizo zotsatirazi kuchoka mu zoyankhula mwini kupita mu zoyankhula wina.

(i) “Ndi chiyani chachitika kuti mulephere kulemba nawo mayeso lero?”
Adafunsa amayi.

(ii) “Chaka chino kwatentha kwambiri,” adatero agogo.

(Malikisi 4)

- b. Perekani ntchito ya nthambi yadzina yomwe yatsekedwa mzere kungsi kwake m’ziganizo zotsatirazi.

(i) Msungwanayu ndi amene wakhoza bwino kuposa onse.

(ii) Kudzakhala kuvina kwa amene adzaitanidwe kumadyerero a ukwatiwo.

(iii) Zoti wabwera sitikudziwa tonse.

(Malikisi 6)

Mafunso akupitirira...

4. a. Perekani njira **ziwiri** zokha zopangira mayina ndipo mupereke chitsanzo chimodzi pa njira iliyonse.

(i) Njira: _____

Chitsanzo: _____

(ii) Njira: _____

Chitsanzo: _____

(Malikisi 4)

- b. Ikani zizindikiro zoyenera zam'kalembedwe m'ziganizo zotsatirazi.

(i) Zomwe wachitazo nzofuna wekha

(ii) Wagula zinthu monga izi nsomba, mchere ufa ndi matimati.

(iii) Khalani chete nonse " Aphunzitsi adakalipa.

(Malikisi 6)

Gawo B (Malikisi 20)

Kumvetsa Nkhani ndi Kusanthula Chiyankhulo

5. Werengani nkhani ili m'munsiyi mosamala ndipo muyankhe mafunso otsatirawo pa mizere ili pansi pa funso lililonse.

Mudzi wa Saweruzika udali m'dera la Sizo. M'mudzimu mudali anthu omva zawo zokha. Anthu ake sankafuna kuti wina awauze zochita, ayi. Anthuwa ankaiwala kuti samva adamva nkhwangwa ili m'mutu. Banja la a Sinsamala lidali limodzi mwa maanja odziwika bwino m'mudzimo.

A Sinsamala ndi amayi akwawo, a Nabetchani, ankadziwika bwino pena paliponse pomwe anthu asonkhana. Adali anthu otama lirime lawo pagulu. Ankafuna kuti paliponse anthu adziwatama kuti ndiwo odziwa kuyankhula. Nthawi zina ankayankhula zakupsa ndithu koma pena zimakhala zopanda mchere n'komwe.

Ngakhale anthu awadzume kuti akunena zoduka mutu, awiriwa sankatsutsika. Nthawi zina anthu ankasankha kungowaleka osatsutsana nawo.

Mafunso akupitirira/...

5. (Continued)

Tsiku lina kudali msonkhano m'mudzimo. Mneneri wa mfumu adalengezetsa za kubwera kwa mlangizi wazaumoyo yemwe adafuna kudzalangiza anthu a m'mudzimo za kufunika kwa uchembere wabwino. Atangomaliza kulengeza uthengawo, madzulo ndi kamdima ndithu, Sinsamala adayankhula motumbwa m'nyumba mwake amvekere: "Zamkutu! Moti munthu mkulukulune munthu angandiuze za uchembere wabwino? Ana onse ndili nawowa ndidawalera bwanji? Eti Nabe, moti ungamvere zopusazo?" "Ayi bambo, zimenezo ndi zoyenera kuuza makanda osapola pamchombo, osati amkhalakale pa uchembere ngati ife. Tiyeni tikapite ndithu mawalo kuti akamakayankhula zopusa zawozo, ife tikawatsutsire pomwepo" Sinsamala adagwirizana ndi zomwe nthiti yakeyo idanena.

M'mawa kutacha, adakonzeka mofulumira kuti akakhale kutsogolo ndi cholinga choti akathe kutsutsa bwino zokambidwa pamsonkhanopo. Posakhalitsa, wochititsa msonkhano adafika limodzi ndi amfumu. Anthu onse adakhala chete kuti amve zomwe mlendoyo adawatengera. Ena amtudzu adali kung'ung'udza chapansipansi. Amfumu a Saweruzika adaimirira nakokera lilemba lawo. Atachotsa ziyangoyango kukhosi, adalandira mlendoyo namumasula kuti ayankhule mudziwo.

"Zikomo amfumu, nduna zanu zonse, amayi ndi abambo omwe mwabwera pano. Ine, m'malo mwa Unduna Wazaumoyo, ndabwera kuti tiyankhulanepo za uchembere wabwino. Monga mukudziwa, uchembere wabwino umakhudza zinthu zingapo: kusamala kuti mayi asapeze mavuto pamene ali woyembekezera, kulera ana komanso kupanga chiganizo cha chiwerengero cha ana omwe banja lingakhale nawo."

Mlangiziyo adapitiriza kufotokoza momwe maanja angachitire kuti ateteze mwana wosabadwa ndi mayi woyembekezera; momwe angachitire mwana akabadwa kufikira atakula komanso zomwe banja lingatsate kuti likhale ndi ana omwe likufunadi kukhala nawo. Adaunikiranso udindo womwe aliynse m'mudzimo ali nawo pa nkhanayi.

Pamene mlangiziyo adali kupereka malangizowo, Sinsamala adali kung'ung'udza monyazitsa. Naye Nabetchani kumbali yake adayankhula monyogodola mlangiziyo pamalo pamene adali. Amayi anzake adamupempha kuti akhale chete koma phuvu m'dera. Mayiyo adachita kulakatika ngati adalembedwa ganyu. Iye adati munthu wina sangamuuze zochita pa uchembere. Ana khumi omwe adabereka mwakatsutsu udali umboni wokwanira kuti iye ndi mwamuna wake adali akatakwe pa nkhani yauchembere.

Mafunso akupitirira/...

5. (Continued)

Chaka china chidali chovuta kwa munthu aliyense. Mvula sidagwe bwino ndipo maanja ambiri adangokolola kananama. Kwenikweni banja la a Sinsamala ndilo lidali pamoto walawilawi. Adangokolola ngolo imodzi ya chimanga. Ndi banja lawo lalikulu, zidali zovuta kwambiri kuti chakudya chiwakwanire. Chimanga chomwe adakolola chidangowasunga kwa miyezi iwiri yokha poti pa nthawiyi adali ndi ana khumi ndi awiri m'banjamo. Moyo wa mayi Nabetchani udalinso utakhwefuka. Mayiyo adali kabwerebwere kuchipatala kotero kuti ndalama zinkangothera kupeza chithandizo cha chipatala basi.

Patapita nthawi a Sinsamala akusauka naye kalowam'malaya, adatulukira poyera kwa abale ndi anansi awo m'mudzimo. Adafotokoza za mikwingwirima yomwe adali kukumana nayo. Ngakhale asume chakudya, sichinkatanthauza kanthu popeza kuti banja lawo lidali lalikulu. Nthawi yakudya ikakwana, kunkakhala ngati Sewero. Ana ankalmbirana chakudya ngati akufuna kuseketsa anthu. Motero adapempha kuti akufuna kwabwino awathandize ndi chakudya kapena awalandireko ana ena.

Mosabisa mawu kukhosi, abale ndi anansiwo adaseka nawakumbutsa momwe a Sinsamalawo ndi akazi awo adali kudzitamira zaka zam'mbuyomo. Adawakumbutsanso momwe adathera mawu pa mlangizi atadzawalangiza za uchembere wabwino. Adawaunikiranso kuti Mayi Nabetchani adali kuyoyoka chifukwa chobereka mowirikiza. Bambo Sinsamala adali zyoli ngati akuwameta pomwe anthuwo adali kuloza zofooka zawo. Mumtima adavomereza ndithu kuti adadzikumbira okha mbuna yomwe adagweramoyo. Nanga akadatani popeza madzi akatayika saoleka.

Anthuwo atakhuthula zonse zomwe zidali kukhosi kwawo, a Sinsamala adayasamula nadzuma. "Tsono pamenepa nditani kuti ndiyese kuchepetsa zowawa zomwe ndikukumana nazozizi? Thandizeni ndapota nanu," adapempha modandaula a Sinsamala.

Tsopano a Sinsamala ndi munthu wosinthika m'mudzimo. Amafunsira maganizo pa zinthu zambiri kuopa kugwanso m'mavuto. Akuchita ulimi wakumunda ndi wakudimba womwe. Banja lawo ndi losangalala kuposa kale.

Mafunso akupitirira/...

5. (Continued)

Mafunso

a. (i) Kodi mudzi wa Saweruzika udali kuti?

(Malikisi 1)

(ii) Mkazi wa a Sinsamala adali yani?

(Malikisi 1)

(iii) Ndi khalidwe loipa lanji lomwe a Sinsamala ndi akazi awo adali nalo?

(Malikisi 2)

(iv) N'chifukwa chiyani a Sinsamala ndi akazi awo adakwiya ndi malangizo a uchembere wabwino?

(Malikisi 2)

(v) Tsimikizani kuti anthu ambiri m'mudzi wa a Saweruzika adali kulemekeza mfumu yawo.

(Malikisi 2)

(vi) Perekani zinthu **ziwiri** zomwe mlangizi wazaumoyo adati ndizo gawo la uchembere wabwino.

1.

2.

(Malikisi 2)

Mafunso akupitirira/...



5. a. (Continued)

- (vii) Fotokozani vuto **limodzi** lomwe banja la a Sinsamala lidakumana nalo kaamba kosatsatira malangizo a uchembere wabwino.

(Malikisi 2)

- (viii) Fotokozani momwe mavuto adasinthira khalidwe la a Sinsamala.

(Malikisi 2)

b. Kusanthula chiyankhulo

- (i) Perekani matanthauzo a mawu awa:

1. motumbwa

2. mikwingwirima

(Malikisi 2)

- (ii) Kuchokera m'nkhaniyi, pezani nsinjiro za chiyankhulo zomwe zikufanana matanthawuzo ndi zotsatirazi.

1. zogwira mtima

2. sizidaphule kanthu

3. wosatha phazi

4. galu wakuda

(Malikisi 4)

Mafunso akupitirira/...



Gawo C (Malikisi 15)

Chifupikitso

6. Werengani nkhani yotsatirayi mosamala. Nkhaniyi ili ndi mawu 157 ndipo muifupikitse kuti ikhale ndi mawu osachepera 50 komanso asapitirira 55.

KUSASIYANITSA PANTCHITO

Kalekale panali kusiyana kwakukulu pakati pa akazi ndi amuna. Kuonjezera pakusiyana m'chilengedwe, amuna ndi akazi ankasiyananso m'zovala, masewero ndi ntchito.

Maiko ena sankalola akazi kutenga nawo mbali posankha anthu m'maudindo osiyanasiyana. Akaziwa sankaloledwa kuima nawo pa zisankho za ndale zina zilizonse. Chimodzimodzi malipiro ankakhala osiyana pakati pa amuna ndi akazi. Kawirikawiri amuna ankaliwidwa ndalama yambiri kuyerekeza ndi akazi ngakhale akugwira ntchito yofanana.

Izi ndi mbiri yakale tsopano. Makono anthu adazindikira kuti chitukuko ndi umoyo sizingapite patsogolo ngati akazi asalidwa pa ntchito zachitukuko chifukwa chakuti iwo ndi akazi basi. Pali akazi ambiri amene ali n'kuthekera kogwira ntchito kuposa amuna. Chifukwa chogwira ntchito zofanana akazi ndi amuna, chitukuko chapita patsogolo kwambiri.

Makono sizachilendo kuona akazi akugwira ntchito yoweruza milandu, kuyendetsa ndege ngakhale kusewera masewera a mpira wa miyendo monga achitira amuna. Ntchito zophika m'malo odyera alendo tsopano zili m'manja mwa amuna. Anamwino amuna nawo ali ponseponse m'zipatala. Izi zapititsa patsogolo umodzi, chikondi ndi kukhulupirirana pakati pa akazi ndi amuna.

Mafunso akupitirira/...

Chimasuliro

- ## NATIONAL PRAYERS

During such gatherings, different religions are assigned different roles. Unity in religious diversity is needed for this to work

This image shows a single sheet of white paper with horizontal blue lines, resembling notebook paper. The lines are evenly spaced and run across the width of the page. There is no handwriting or other markings on the paper.

(Malikisi 15)

MAFUNSO ATHERA PANO

NB: Pepala ili lili ndi masamba osindikizidwa khumi ndi awiri.